

**DE INEFFABILI
TRINITATIS
MYSTERIO ORATIO
HABITA IN SACELLO
PONTIFICIO ... A...**

Cesare Alberico Lucini, Valenti
Gonzaga

(III)

Sanctissimo Domino Noſtro

BENEDICTO XIV.

PONTIFICI MAXIMO

CÆSAR ALBERICUS LUCINI

FELICITATEM.



UAM *Orationem, BEA-*
TISSIME PATER, pa-
tientibus auribus excipere dignatus
es, oculis Tuis mitissimis subjicere
non audeo solum, sed gestio. Duo
A 2 *enim*

enim officia hac occasione mihi videor eodem tempore implere , alterum nomine meo , alterum eorum nomine , quibuscum versor . Et primo quidem gratias ago maximas , quod me humaniter audivisti , & hanc elucubratiunculam Tibi inscribi pateris humanissime ; quodque ex Gente mea recolendæ semper memoriæ Aloysium Mariam in Prædicatorum Ordine præclaris muneribus functum conlata purpura inter Apostolici Senatus Patres singulari benignitate adlegisti . Deinde gratias ultra quàm maximas agimus omnes simul , majores etiam acturi , si votis verba respondere possent , vota-que beneficiis . Profecto quò voto-
rum


rum ambitio haud pervenisset , pervenit beneficentissimi Tui animi magnitudo . Præstitisti , BEATISSIME PATER , quod ante Te nemo , & fortassis nemo post Te . Die vicesima tertia mox elapsi Aprilis has ædes , quas Tuo convictu , Tuorumque studiorum tirocinio olim honestaveras , Pontificiæ majestatis numine implere dignatus es , paterna benedictione nos omnes in genua provolutos complexus es , Sacrum in Oratorio Collegii celebrasti , sacra Communione nos refecisti , Bibliothecam ingressus es , cujus parietes Te præsentem præ insperato gaudio propemodum gestire visi sunt , Somaschensis Congregationis , a qua

*in Pietatis, Scientiarumque studiis
 instituimur, Fundatoris Hieronymi
 Æmiliani opi adscripta miracula
 solemnī Decreto Pontificio Tuo ore
 pronunciato adseruisti, in spem nos
 erigens proximæ ejusdem Beatifica-
 tionis. Quid ea die nobis jucun-
 dius, Patribus Collegii Clementini
 moderatoribus honorificentius, SAN-
 CTITATI TUÆ divitias Tui amoris
 effundenti opportunius? Hæc dum
 repeto, BEATISSIME PATER, ita au-
 geri intelligo Tuorum beneficiorum
 amplitudinem, ut iis nulla repen-
 dendi vicem ratio alia nobis occur-
 rat, quàm illa memoriâ recolere
 sempiterna.*

ORA-



O R A T I O .



UUM Christianæ Fidei caput illud sit , BEATISSIME PATER , Deum Unum esse in Essentia , & Trinum in Personis , quo , ceu fundamento , Catholicæ Religionis ædificium stare perspicuum est , mirari neminem oportet , si ad illud convellendum , ab initio Ecclesiæ Christi ad hæc usque tempora , & Dæmonis perfidia , & Humanæ pravitatis industria conjuraverint . Et quidem Arianorum primùm furor in hujus sacrosancti Mysterii fidem exarsit ; iisque Eunomiani , & Macedoniani se nefarios comites adjungere : quibus tandem for-

fortiter repressis, ac poene deletis, adgressiones acres, & cruentas instaurare ausi sunt viri fallacissimi, & impii, infanda nomina, Servetus, Crellius, & Socini duo. Verum inconcussa semper, & scelestis ausibus inaccessa Christiana veritas constitit, & quantum Hæreticorum machinationes, & studia oppugnare illam conata sunt, tantum Catholicorum invictum robur jugiter obsistendo enituit, & feliciter pugnans insanas molitiones elusit. Vox una semper fuit, unus animus, & una consensio & veterum sanctorum Patrum, & subsequentum Fidei Præconum, Unum esse Deum, eundemque Trinum, nec Unitatem in Deo Trinitati adversari, nec Trinitatem Unitati. *Si enim, ut Augustini verbis utar, ad fontem recurramus, idest ad Apostolicam traditionem, inde canalem in nostra tempora dirigamus, satis demonstratam habemus Mysterii altissimi certitudinem. Quæ porro traditio a Christo, & Apostolis derivata ad Nicæna tempora excurrit, a quibus deinceps ad extrema mundi sæcula continuato cursu illibata, & constans progredietur.*

Unum tamen mirari subit, in tanto omnium ætatum fidei consensu tamdiu dilatam fuisse hujusce diei festi solemnem celebritatem,
&

(IX)

& non semper in annuo festorum circulo taxatam fuisse diem, in qua in honorem sanctissimæ TRINITATIS Divinorum Officiorum elogia conspirarent. Id seriùs factum esse in Ecclesia Romana, quæ mater est, & magistra ceterarum Ecclesiarum, animadvertunt sacrarum rerum Scriptores, idque beatæ recordationis Joannis Vicesimi secundi Pontificis Maximi prudenti consilio, & sacris jussionibus acceptum referunt.

Verùm nullam esse causam admirationis probe intelliget, qui animum advertat, Ecclesiæ Romanæ constantem fuisse ritum, & consuetudinem, non in uno tantùm singulari Officio, sed in omnibus gloriam sanctissimæ TRINITATI quotidie concinere, & psalmorum, & canticorum, hymnorumque finem sic concludere, ut eidem TRINITATI adclamationes, & plausus ingeminentur. Hac frequentia, & repetitione debitarum laudum satis consultum Romanæ Ecclesiæ Principes judicarunt tanti Mysterii celebrationi, & adversantium obtrusionum splendidæ refutationi. Quum vero temporum successione Divinorum Mysteriorum memoriam sæpius recolere Ecclesiæ per orbem distributæ consuescerent, & jam aliquibus in locis TRINITATI præstituta certa die spectata-

cialē Officiū persolveretur , non solum eum ritum Romana Ecclesia probavit , sed id ubique solemniter præstandum octava die a Pentecoste mandavit .

Hac da causâ hodierna lætissima die cum summo Pontifice omnium Ecclesiarum capite , & magistro Apostolici Senatus Proceres simul unâ conveniunt in hoc Sacello , videlicet in arce hac honorificentissima Catholicæ Religionis , & magnificas laudes augustissimæ TRINITATI daturi , & ejus præconia ab hoc honoris pleno suggestu audituri . Hic hodie salutaris Victimâ , quæ se ultro obtulit Deo Patri pro expiandis universi humani generis delictis , in Unius , Trinique Dei gloriam immolatur : hic fragrantia thura adolentur : hic cereæ faces ardent : hic preces humillimæ funduntur . Oh utinam obsequium hoc nostrum ad sublimem Dei thronum per Angelorum manus delatum TRINITATI sanctissimæ sit acceptum , inque ejus majorem gloriam faustissime cedat ! Descendat in Gentes , quæ in tenebris , & in umbra mortis sedent , æternæ claritatis lumen , quo accensæ Deum , Divinasque Personas humili corde credant , & ore simplici confiteantur . Personet Augustissimæ TRINITATIS laudibus , qua ubique patet , terrarum universitas , implean-